



*Bixianowski Stanisław Jos: Elogium funebre
Nicola Trzebicki, Praeposit Krzeszowensis.*

PANEG. et VITAE
Polon. Fol.
№ 1498.

Biblioteka Jagiellońska



stdr0002751

ELOGIUM

F V N E B R E

Illustris olim & Admodum Reuerendi Domini,

D. NICOLAI

S R E N I A V I I

D E T R Z E B I N I C E

TRZEBINSKI,

PRÆPOSITI KRZĘCICENSIS,

ECCLESIAE COLLEGIATÆ SS. OMNIVM CANONICI

CRACOVIE NSIS,

CVRATI GAIOWIENSIS, DECANI ANDREOWIENSIS,

Dũm

CRACOVIAE, IN ECCLESIA COLLEGIATA SS. OMNIVM

I V S T A E I F V N E B R I A

Magno omnium dolore, & desiderio persoluerentur;

A

M. STANISLAO IOSEPHO BIEŻANOWSKI, Leopoliē: Philos. Doctore,
Collega Minore, Ordinario Pœseos Professore.

Sepulchralis obsequij affectu

Luci publicæ

C O N S E C R A T V M.

Anno Dñi, 1669. Die 19. Septembris.



CASIMIRIÆ ad Cracoviam,
In Officina Typographica BALTHASARI SMIESZKOWICZ, S. R. M. Typ

ELOGIUM FVNEBRE.



Ciùs è vita, in dimidio vitæ, nemo rapitur;
nisi qui casu, non proposito bonus, vitam in otium vertit.
Tractus illos diuturnioris vitæ, diesq; ad fastidium longos;
flumina putares, ægrè arenas suas lambentia:

Sed cheu!

Vorticosi plerumq; in ijs raptus, in Charybdes suas desinunt:

contrà, quos concitatus ad vltima agi,
in compendio dierum cernimus;

Symplegadas etiam lenissimè præteruecti, non hæere in puncto.

Mirum hoc,

in vtramq; partem, conditionis humanæ Secretum;
cùm ex virtutis, non vitæ decursu pendeat; spatia non attendit.
aliud quippè in vita morari; mereri aliud;
quæ cùm fluminum ritu præterlabitur;
minimùm interest, quàm è longinquo;

sed quam ex vsu publico rectè, ad ostia immortalitatis decurrat.

Arcanum id, in SRENIAVIIS vndis, crystallo omni tersius;
compendium vitæ, in hieroglyphico suo, non tam ambitu, quàm vtilitate describit;

quæ vastitatem suam, Euphrati, Tigriq; non invidentes;
non arenarum cum Pactolo, Hydaspeq; cumulos;

Sed aureos si vnquam tulère viros;

JLLVSTREM certè olim & ADMODVM REVERENDVM
D. NICOLAVM TRZEBINSKI,

ex aureæ ætatis pretiosis ramentis,

Sanguine, Virtute, doctrinâ, probitate, zeloq;,

aureum æternitati intulère Mystam.

Felix semper Sreniaua Heroibus,

vt non solas æternitati, coronas triumphales inferret;

regalis quoq; Sacerdotij coronâ, in TRZEBINIO decorus;

Natiuum eius ex Maioribus Spiritum, ad Heroicos pro DEO,

& Ecclesia transtulit actus:

& qui bellator in SRENIAVIIS.

Sanguine hostili purpuratus, tropæisq; insignis, Tanaim & Hebrum terruit;

Sacer in TRZEBINIO placidusq; decurrit.

Ex hoc fonte illi, aurea illa mens;

ad omnes probitatis & elegantioris doctrinæ vsus, tam inclinata;

quam

quàm metallum hoc in plures lāminas, facillè ducitur.
Tractabilem inde animum, ACADEMICA VNIVERS: CRAC: Pallas,
 non fecisse, sed inuenisse gaudens;
 auream in ore Suadam, Themidem in pectore Solidam,
 breui composuit:
 ad Sacrorum Canonum peritiam, eā propensione;
quasi iam tum incaluisset eo Spiritu, zeloq; quo deinceps pro domo
 Domini zelauit;
 ad Ecclesiæ vindicias natus.
 Prælia Domini meditantī, experiri primū pro Patria,
 indolem SRENIAMI placuit:
 quam vt non dissimilem, militari gloriā illustri,
 NICOLAO TRZEBINIO Patri, circumferret;
 deuotum pro aris focusq; ad Beresteciam pectus,
 contra hostes Patriæ, tam Heroicè;
quàm ad Aras posthæc, contra hostes animæ, zelosè obtulit.
 Impensum id Patriæ, præclaro experimento;
 quàm in Diuinis olim acer, conteri etiam pro minimò putaret;
 vt suus Ecclesiæ assurgeret honos.
Agebat eum exinde, celestis ille Spiritualis vitæ impetus;
qui vt flumen eius SRENIAMI, totum DEO Sacrum faceret;
 eam ciuitatem DEI, lætificare illud voluit;
 cuius fundamenta in montibus Sanctis.
 Priuilegium hoc Ecclesiæ Gaiouienſis præcipuum;
in qua Thaumaturga DEI Mater, sedem miraculis suis, cum elegisset;
 Secus decursus aquarum, pietatis TRZEBINIANÆ,
 amariorem eam fieri voluit.
 Ingens ea zelantissimo pectori occasio;
reuelauit illicò, quam verè Diuino ageretur Spiritu;
 cum moræ impatiens, omnia fecit in Spiritu noua.
 Prima hinc Augustæ Maiestatis Virginæ cura,
 thronum illi suum, nouo Altaris operè, sumptuq; prouidit;
 vt responsa indè, miraculaq; prodirent augustius.
 Diuinos profectò prodigiosæ Iconis vultus, nunquàm aspexit;
quin totus animo accensus, ad noua eius ornamenta liqueceret;
 deuotione populi, Pastoris sui exemplo, tam animatā;
vt ad benefica Virginis decora, manus omnium propè tornatiles viderentur.
 Vnicum hoc pietatis suæ delictum reputans,
 speciosam in delicijs suis Virginem,
 cum Sacram eius imaginem; auream propè faceret;
 in laudibus eius eloquentissimo ore, aureus totus;
 traxit aureis catenis corda, quæ ipsa traxit beneficijs:
 effectu sanè felicissimo;
 vt cum zelantem pro Matre sua, speciosus præ filijs hominum, Filius videt;
 pra

pro se quoq; zelare eum, in Præpositura KRZCECICENSI faceret.
 Diuina hæc ardui operis Sparta, magno TRZEBINII animo digna;
 ubi ad fontem lustralis aquæ, Apostoli Poloniæ D. ADALBERTI,
 Apostolico planè Spiritu animatus, bonorum Ecclesiæ vindex,
 ut ad fontem suum omnia redirent;
 cum labores, & impendia profudisset; vitam etiam impendit;
 eâ constantissimi animi lætitiâ;
 quod Ecclesiam KRZCECICENSEM, officijs Diuinis, decoreq; suo ornauit;
 ceu nouam de cælo descendentem Sponsam;
 quod ex hæresi trophæum, Sacram D. NICOLAO ædem relinquens;
 neminem magnis pro DEO cogitationibus, frustra incumbere ostendisset.
 Excelsum hunc animum mox sublimiora secuta;
 cum ob insignem Iuris Canonici peritiam, vitæ integritatem, agendi,
 dexteritatem & prudentiam,
 Magno ILLVSTRISSIMI PRÆSVLIS TRZEBICII iudicio,
 ARCHIDIACONVS & OFFICIALIS SANDECENSIS renunciatus,
 omnium propè iudicia ad applausus traxisset.
 nisi ipse Prælaturam hanc maximam putans, Prælati augere virtutes, non titulos;
 iudicium de se tam honorificum, modestissimè exceptum;
 in sinum, vnde venerat, maiori modestiâ depoluisset;
 vel ob hanc solam animi magnitudinem, maioremq; titulis omnibus excellentiam;
 plenus Ecclesiastici Spiritûs, verè ab aureo æuo

PRÆLATVS.

Robur hoc animi in vita perpetuum;
 exemplo vitæ, animarum zelo, agendi efficaciâ,
 hæreseos profligatione, amore & vindicijs Ecclesiæ,
 viuere infatigabilem, mori fecit inuictum;
 tanto virtutum, in compendio vitæ, numero;
 ceu longissimas Pylîj Senis Olympiadas, numerasset.
 Breue viuendi Spatium, meritis, non annis emensus,
 inter omnium desideria, ipse viuendi desiderio nullo;
 Satis eum, mortalem vitam vixisse putans; qui satis pro immortalis egerit;
 manu quidem ægerrimâ, sed robustissimo sanè Spiritu;
 effigie animi sui, verè Ecclesiastici, in supremis tabulis relictâ,
 mirâ animi tranquillitate, momentum illud nouissimum excepit;
 ad cuius memoriam, momenta vitæ omnia direxerat;
 Vir planè in rem Ecclesiæ natus;
 in cuius vindicijs ut vixerat totus; sic in augendis ex peculio suo,
 pijs ad eam foundationibus, totus immori voluit;
 dignus utique, inter Ecclesiastici Spiritûs exempla,

æternum viuere;

qui animâ ECCLESIAE

V I X I T.



